

Priljeno: 29. 05. 2002. godine			
Org. jed.	Broj	Prilog	Vrijednost
017	011-515-09	02	



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM
Komisija za vanjske poslove
Broj: 01,2-011-515-09/02
Sarajevo, 24.05.2002.godine

ZAPISNIK

Sa dvadesete sjednice Komisije za vanjske poslove

Sjednica je održana 22.05.2002.godine sa početkom u 15 sati.
Sjednici su prisustvovali sljedeći njeni članovi: Marko Amidžić, Sead Buturović, Željko Bilbija, Branislav Lolić, Momir Tošić, Boro Bjelobrč i Salih Kulenović.
Opravdano odsutni su bili: Mariofil Ljubić i Muhamed Begović.
Sjednicom je predsjedavao Marko Amidžić, a zapisnik vodila sekretar Merdžana Iglica.

Predsjedatelj Komisije za vanjske poslove predložio je sljedeći

DNEVNI RED

1. Verificiranje zapisnika sa 19. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 10.04.2002.godine i informiranje Komisije o izvršavanju usvojenih zaključaka;
2. Rasprava o pitanjima predloženim za 25. sjednicu Predstavničkog doma Parlamentarne skupštine Bosne i Hercegovine, sazvanu za četvrtak, 23.05.2002.godine:
 - Tačka 23: Izbor članova i zamjenika članova Delegacije Parlamentarne skupštine Bosne i Hercegovine u Vijeću Evrope (dopis ambasadora Igora Gaona);
 - Tačka 24: Davanje suglasnosti za ratificiranje:
 - a) Ugovora između Bosne i Hercegovine i Savezne Republike Jugoslavije o carinskoj saradnji i uzajamnoj pomoći,
 - b) Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj pomoći radi osnivanja preduzeća od strane stručne radne snage koja se vraća u Bosnu i Hercegovinu.
3. Izvještaji i inicijative koja su prispjela Komisiji za vanjske poslove do dana sazivanja 20. sjednice:
 - a) Izvještaj iz NATO škole (SHAPE) iz Oberammergau, Njemačka, 14-19.04.2002.godine;
 - b) Zabilješka o razgovoru sa ambasadoricom Švicarske Federacije u Bosni i Hercegovini, Nj. E. Heidi Tagliavini, o parlamentarnoj suradnji sa Švicarskom

- Federacijom i pismo Komisije za vanjske poslove upućeno Parlamentu Švicarske Federacije;
- c) Pismo upućeno predsjedavajućem delegacije Republike Litvanije u Vijeću Evrope preko predstavništva BiH u Vijeću Evrope o intenziviranju međuparlamentarne saradnje;
 - d) Pismo g. Seada Buturovića upućeno ambasadoru SR Njemačke u BiH za pomoć u obnovi Starog mosta u Konjicu;
 - e) Izvještaj o razgovoru sa g. Borislavom Marićem, ambasadorom Bosne i Hercegovine u NR Kini;
 - f) Izvještaj o razgovoru sa g. Huseinom Panjetom, ambasadorom Bosne i Hercegovine u Kataru;
 - g) Informacija o prijedlogu datom tokom sastanka predstavnika Parlamentarne skupštine BiH sa Parlamentarnom delegacijom Kraljevine Norveške.

4. Tekuća pitanja.

Predsjedatelj Komisije je predložio da se u dnevni red uvede dopuna 2. tačke dnevnog reda: Davanje suglasnosti za ratificiranje:

- a) Sporazuma između Bosne i Hercegovine i Savezne Republike Jugoslavije o unapređenju i zaštiti investicija,
- b) Razvojnog kreditnog sporazuma (Projekta kredita za privatni sektor) između Bosne i Hercegovine/Republika Srpska i Međunarodne Asocijacije za razvoj (IDA).

Predloženi dnevni red je usvojen sa jednim glasom protiv.

Ad.1. Komisija je razmatrala zapisnik sa 19. sjednice Komisije za vanjske poslove Zastupničkog doma Parlamentarne skupštine BiH i jednoglasno ga prihvatila,

Ad.2.

- Na osnovu člana 37. tačka 1.(d) Poslovnika Zastupničkog doma Parlamentarne skupštine Bosne i Hercegovine Komisija za vanjske poslove je obavila raspravu o izboru članova i zamjenika članova Delegacije Parlamentarne skupštine Bosne i Hercegovine u Vijeću Evrope (predložena 20. tačka dnevnog reda za 25. sjednicu Zastupničkog doma Parlamentarne skupštine Bosne i Hercegovine) kao i pismo veleposlanika Igora Gaona od 14. 05.2002. godine vezano za imenovanje članova i zamjenika članova Delegacije Parlamentarne skupštine Bosne i Hercegovine u Vijeću Evrope.

Komisija je usvojila zaključak da Zastupničkom domu predloži da se na narednoj sjednici izvrši izbor i članova i zamjenika Delegacije Parlamentarne skupštine Bosne i Hercegovine u Vijeću Evrope, da sastav delegacije bude sukladan članku 27. tačka 1. Poslovnika Zastupničkog doma (razmjerno veličini klubova), te predlaže Domu da kriteriji za sastav ove Delegacije budu : adekvatna nacionalna zastupljenost, da odnos između zastupnika u Zastupničkom domu i izaslanika u Domu naroda u ukupnom zbroju od 10 bude 4 :1 u korist Zastupničkog doma, te da se kroz izbor zamjenika članova delegacije ispoštuje adekvatna zastupljenost pozicije i opozicije.

Jedan broj članova Komisije je izrazio mišljenje da bi u nacionalnom sastavu zamjenika trebalo naći jedno mjesto iz skupine ostalih.

- Na osnovu člana 37. tačka 1.(g) Poslovnika Zastupničkog doma Parlamentarne skupštine Bosne i Hercegovine, Komisija za vanjske poslove je imala na dnevnom redu i pitanja davanja suglasnosti za ratificiranje :
 1. Ugovora između Bosne i Hercegovine i Savezne Republike Jugoslavije o carinskoj suradnji i uzajamnoj pomoći,
 2. Sporazuma između Vijeća ministara Bosne i Hercegovine i Vlade Savezne Republike Njemačke o financijskoj pomoći radi osnivanja preduzeća od strane stručne radne snage koja se vraća u Bosnu i Hercegovinu,
 3. Sporazuma između Bosne i Hercegovine i Savezne Republike Jugoslavije o unapređenju i zaštiti investicija,
 4. Razvojnog kreditnog sporazuma (Projekta kredita za privatni sektor) između Bosne i Hercegovine/Republika Srpska i Međunarodne Asocijacije za razvoj (IDA).

Komisija je obavila i kraću raspravu o određenim pitanjima i izrazila mišljenje da Zastupnički dom Parlamentarne skupštine BiH može ova pitanja raspraviti na svojoj sjednici, ali Komisija nije utvrdila svoj prijedlog u odnosu na ratificiranje dokumenata navedenih od 1. do 4. zbog neprisustva nadležnog ministra odnosno njegovog zamjenika.

Ad.3. a) Komisija je podržala izvještaj iz NATO-škole (SHAPE) iz Oberammergau, Njemačka, 14-19.04.2002.godine.

b) Komisija se upoznala sa zabilješkom o razgovoru sa ambasadoricom Švicarske Federacije u Bosni i Hercegovini o parlamentarnoj suradnji sa Švicarskom Federacijom i pismom Komisije za vanjske poslove upućeno Parlamentu Švicarske Federacije kao i sa pismima, izvještajima i informacijama od c) do g). Komisija je u tom kontekstu, razmatrala i pitanja ostvarivanja Radnog plana Komisije u 2002.godini koji je Kolegiju Zastupničkog doma dostavljen ranije.

Komisija je konstatirala da je Radni plan Komisije temeljen pretežito na Zaključcima o vanjskoj politici koje je usvojio Zastupnički dom na svojoj 20. sjednici, a da se niti jednom zahtjevu Komisije od nadležnih organa izvršne vlasti nije udovoljilo, mada je prošlo već pet mjeseci tekuće godine.

Temeljem ovog stanja i člana 25. tačke 1.(j) , Komisija se obratila Predsjedatelju Zastupničkog doma Parlamentarne skupštine BiH sa zahtjevom da joj se omogući dostupnost odgovarajućih materijala, kako bi mogla ostvariti svoju zadaću utvrđenu Poslovníkom Zastupničkog doma.

Komisija se, u vezi razmatranja pitanja razgovora i nastupa ambasadora Bosne i Hercegovine i stranih zemalja pred Komisijom za vanjske poslove, kao i dosadašnjim iskustvima na tom planu obratila i Ministarstvu vanjskih poslova sa zahtjevom da joj, zbog planske redovitosti ovih aktivnosti i organiziranog pristupa razgovorima, dostavi:

1. Prijedlog Plana Ministarstva vanjskih poslova BiH o razgovorima Komisije sa veleposlasticima Bosne i Hercegovine u inozemstvu,
2. Prijedlog Plana Ministarstva vanjskih poslova BiH o razgovorima sa veleposlasticima drugih država u Bosni i Hercegovini, uz zahtjev da se Komisija za vanjske poslove sastane sa veleposlasticima Kontakt grupe za Bosnu i Hercegovinu, zajedno i u skorije vrijeme,
3. Pregled otvorenih pitanja između Bosne i Hercegovine i svih zemalja sa kojima BiH ostvaruje diplomatsku suradnju.

Sjednica je završena u 17 sati.

PREDSJEDATELJ
KOMISIJE ZA VANJSKE POSLOVE
Marko I. Amidžić, dipl.ing.

